

# TSWVYIM LOS NTAWM VAJ NTSUJPLIG

## Spiritual Gifts

---

### Zajqhia 7 – Tes Haujlwm 2:1-41

#### **Tswvyim Ntawm Vaj Ntsujplig Rau Kev Tshajtawm Txoj Moo Zoo**

Tus yeebncuab loj tshajplaws rau txoj kev vammeej yog kev ntshai. Txawm yus muaj kev ntshaw (passions) thiab muaj kev txawj (skills) npaum licas los yog yus ntshai ib yam dabtsi lossis ntshai leejtwg lawm ces yus yeej ua tsis tiav yam uas yus ntshaw ntawd.

Txawm Tswv Yexus twb cobqhia cov thwjtim tau peb lub xyoos ntau los thaum Nws raug ntes mas lawv khiav nkaum tag li lawm. Petus yog tus siab tawv dua, tabsis thaum luag liam hais tias nws yog ib tug uas nrognraim Tswv Yexus, nws tseem tsis lees paub li thiab (Malakaus 14:71). Yog uacas? Vim txoj kev ntshai.

Yog vim li ntawd hnuv uas Tswv Yexus tau sawv hauv qhovtuag los lawm Nws thiaj hais rau cov thwjtim tias, "Kuv yuav muab yam uas kuv Txiv coglus tseg lawm rau nej. Tiamsis nej yuavtsum nyob hauv lub nroog Yeluxalees mus txog thaum uas nej tau txais lub hwjchim uas yuav los saum ntuj los " (Lukas 24:49).

Hnuv uas Tswv Yexus yuav ya rovqab mus saum ceebtsheej, Nws rovqab coglus rau cov thwjtim li no ntxiv thiab: "Tiamsis thaum Vaj Ntsujplig tus Dawbhuv los nrog nej nyob lawm, Nws yuav pub hwjchim rau nej, thiab nej yuav ua timkhawv qhia Kuv zaj mus thoob plaws hauv lub nroog Yeluxalees, hauv lub xeev Yudas, hauv lub xeev Xamalis thiab mus txog qab ntuj kawg" (Tes Haujlwm 1:8).

Kaum hnuv tomqab uas Tswv Yexus nce mus saum ceebtsheej lawm, yog hnuv uas cov neeg Ntsus (Jews) ua lub koobtsheej Peetekos (Pentecost). Vaj Ntsujplig tus Dawbhuv tau los rau cov Timthawj thiab 120 leej uas sib sau nyob rau ib chav tsev hauv lub nroog Yeluxalees. Nyeem kom tag Tes Haujlwm 2:1-41 uantej koj teb cov lus nug nram qab no.

1. Nqe 1-4. Hnub uas Vaj Ntsujplig los ntawd muaj peb yam tseemceeb tshwmsim. Peb yam ntawd yog dabtsi?

- (1) \_\_\_\_\_
- (2) \_\_\_\_\_
- (3) \_\_\_\_\_

2. Nqe 5-13. Tiam ntawd cov neeg Ntsus twb tau khiav mus nyob ntau lub tebchaws lawm. Lawv kuj tuaj koom lub koobtsheej Peetekos no hauv nroog Yeluxalees thiab. Txawm yog cov Tithawj (Apostles) hais lus Henplais lub suab Kalilais (Galilean accent), los cov neeg tuaj txawv tebchaws tuaj ntawd mloog mas yog hais lawv cov lus. Koj sim teev saib cov neeg ntawd tuaj pistsawg lub tebchaws tuaj?

- (1) \_\_\_\_\_
- (2) \_\_\_\_\_
- (3) \_\_\_\_\_
- (4) \_\_\_\_\_
- (5) \_\_\_\_\_
- (6) \_\_\_\_\_
- (7) \_\_\_\_\_
- (8) \_\_\_\_\_
- (9) \_\_\_\_\_
- (10) \_\_\_\_\_
- (11) \_\_\_\_\_
- (12) \_\_\_\_\_
- (13) \_\_\_\_\_
- (14) \_\_\_\_\_
- (15) \_\_\_\_\_
- (16) \_\_\_\_\_

3. Nqe 14-21 hais tias Tswv Yexus tus Thimthawj Petus tau sawv qhuabqhia. Nws tau hais tias qhov uas sawvdaws pom tshwmsim ntawd yog tshwmsim raws li tus cev Vajtsww lus Yau-ees tau sau cia ntau xyoo uas dhau los lawm. Lub ntsiab lus ntawm Petus zaj lus qhuabqhia hnub ntawd yog nyob ntawm nqe 22-24 thiab nqe 36. Lub ntsiab lus ntawd hais lidas?

---

---

---

---

---

---

4. Tus Petus uas ob lub limtiam uas dhau los mas taiscaus kawg li, twb tsis lees paub Tswv Yexus thiab, tabsis thaum Vaj Ntsujplig los lawm mas nws siab tawv kawg li. Ntawm nqe 23 mas nws liamntsis hais tias cov Ntsus yog cov nkaug Tswv Yexus rau nomtswv thiab yog cov muab Tswv Yexus daim rau saum ntoo ntsiates ntag.

Nqe 36-38, cov lus uas Petus hais no ua rau cov Ntsus ntshai thiab lawv tau nug licas thiab Petus tau qhia kom lawv ua licas?

---

---

---

---

5. Nqe 41. Cov neeg uas los ntseeg thiab ua kevcai raus dej hnuv ntawd muaj coob licas? \_\_\_\_\_.

6. Lub homphiaj ntawm Vaj Ntsujplig yog muab hwjchim lossis peevxwm rau peb ua povhawj lossis qhia txoj moo zoo rau lwm tus. Sau rau ntawm no thiab koj mus tham qhia sawvdaws txog ib zaug uas Vaj Ntsujplig tau pab koj ua povhawj lossis qhia Tswv Yexus rau lwm tus. Koj puas ntseeg hais tias thaum koj qhia ntawd Vaj Ntsujplig pab koj qhia? Yog uacas koj ho ntseeg li ntawd?

---

---

---

---

7. Tswv Yexus hais tias thaum peb tau txais lub hwjchim ntawm Vaj Ntsujplig lawm mas peb yuav ua povhawj timkhawv rau Nws, pib hauv yus lub zos mus kom thoob ntiajteb. Koj xav licas txog cov ntseeg tiam no? Peb puas tau txais Vaj Ntsujplig tiag? Yog tau no, yog tim dabtsi ua rau peb tsis mobsiab thiab tsis muaj peevxwm ua timkhawv rau lwm tus li Tswv Yexus hais?

---

---

---

---

---

Vajtswv yog tus ntse thiab muaj tswvyim tshajplaws. Nws ua dabtsi mas tsuas ua ib zaug xwb. Lwm zaus Nws tsis rov ua li qub lawm. Peb tsuas pom peb-plaub zaug uas zoo li Nws rovqab ua li qub xwsl: (1) Nram Isziv, Nws ua rau dej hiavtxwv faib hlo kom cov Yixalayeas hla dhau. (2) Thaum lawv los txog tus dej Yauladees, Nws ua rau tus dej faib hlo rau lawv hla thiab. Duali, (3) Tswv Yexus dam ncuav ci thiab muab ntseas faib rau tsib txhiab leej neeg noj ib zaug thiab (4) Nws ua li ntawd rau plaub txhiab leej neeg noj ib zaug. Dhau no lawm ces peb tsis pom tias Vajtswv pheej ua qhov qub ntxiv.

Hais txog qhov uas tau txais Vaj Ntsujplig es txawj hais lus txawv-txawv los peb tsuas pom tshwmsim hauv Vajluskub peb zaug xwb, xwsl Tes Haujlwm tshooj 2, tshooj 10, thiab tshooj 19. Tabsis peb zaug no kuj puavleej sib txawv thiab.

Ntau tus ntseeg tiam no pheej taj thiab thov kom tau txais Vaj Ntsujplig li thaum ub cov Timthawj tau txais hnuv Peetekos, tabsis Vajtswv kuj tsis kam ua li qub ntawd rau lawv. Muaj tej tus kuj hais tias lawv taj thiab thov heev thiab twb tau txais li ntawd lawm, tabsis lawv lub neej kuj tsis hloov thiab lawv twb koj tsis tau ib leejtwg los ntseeg Vajtswv li thiab. Tej tus tseem siv qhov uas nws tau txais ntawd ua chaw khavtxiv, saib tsistaus thiab txobthuam lwm tus xwb.

Yog peb tau txais Vaj Ntsujplig lawm, thov peb mobsiab ua tivkhawv rau tus Tswv Yexus.